

# Vischnaunca da Trun

## Reglament per far diever dallas vias d'uaul cun vehichels a motor \*1)



\*1) Per la fracziun da Schlans vala il reglament per far diever dallas vias d'uaul cun vehichels a motor dalla anteriura vischnaunca da Schlans. Quei reglament ei ina part integrala dil suranumnau reglament dalla nova vischnaunca da Trun.  
(aschuntau tenor art. 3 e 4 dil contract da fusiun)

# CUNTEGN

		<b>pagina</b>
Art. 1	Vias d'ual senza scamond da carrar (categoria 1)	3
Art. 2	Excepziuns dil scamond da carrar (categoria 2)	3
Art. 3	Scamond da carrar per vehichels a motor (categoria 3)	3
Art. 4	Dretg da carrar senza carta da legitimaziun	4
Art. 5	Dretg da carrar cun carta da legitimaziun	4
Art. 6	Taxas administrativas	5
Art. 7	Prescripziuns specialas	5
Art. 8	Disposiziuns penelas	5
Art. 9	Execuziun	6
Art. 10	Publicaziun e signalisaziun	6
Art. 11	Vigur	6

## Art. 1

### **Vias d'ual senza**

Las sequentas vias d'ual han la funcziun da vias communalas ed

**scamond da carrar**  
(categoria 1)

ein accessiblas al traffic da vehichels a motor:

**Via Cartatscha** naven dalla casa d'affons Depuoz - Cartatscha

Per quellas vias valan las suandontas restricziuns:

- peisa maximala **20 t**
- ladezia maximala **2.50 m**

**Art. 2**

**Excepziuns dil scamond da carrar**  
(categoria 2)

Las sequentas vias d'ual surveschan ultra all'economia forestala ed all'agricultura era aunc ad ulteriurs intents. Ei vala in scamond da carrar per vehichels a motor (signal 2.14) cun excepziuns tenor art. 4 e 5 da quest reglament:

**Via Munt** naven da Caltgadira entochen Plaun Grond

**Via Nadéls** sils tschancuns naven da;

- Plaun Rensch – Bugliadera – Dalisch – Alp Nadéls
- Zignau naven da Chilgieri - Bugliadera
- Dalisch – Barcuns
- Uaul Rensch – Pustget Barcuns
- Uaul dil cantun naven dallas Valletas – Val su
- Val Crestprauet – Val Blaua

**Via Boden** sils tschancuns naven da;

- Zignau sissum igl uor – Prauet – Criedi (via nova)
- Prauet – Canal sut – cuolms dil Boden

**Via Rensch – Sulagval** – naven d'entadem Plaun Rensch – Sulagval - Surrein

Per quellas vias valan las suandontas restricziuns:

- peisa maximala **20 t**
- ladezia maximala **2.50 m**

**Art. 3**

**Scamond da carrar per vehichels a motor**  
(categoria 3)

Tut las ulteriuras vias d'ual surveschan exclusivamein all'economia forestala. Ei astga vegnir fatg diever da quellas cun vehichels a motor sulettamein per intents ch'ei previ tenor la lescha federala d'ual e la lescha cantunala d'ual.

**Art. 4**

**Dretg da carrar  
senza carta da  
legitimaziun**

Negina lubientscha ei necessaria per:

- a) Tut ils viadis da survetsch dalla polizia, dil survetsch forestal, dils survigiladers da catscha e da pesca, dalla sanitad, dils pumpiers, dils guardians d'ieli e da chemia, viadis per ademplir activitads ufficialas u legalas (p. ex. spazzatgamin, inspecziun dalla cumissiun da fiug, dertgira per uatgas e.a.v.) sco era viadis en survetsch dalla vischnaunca, dil cantun e dalla confederaziun
- b) Viadis da miedis e da vetrinaris en activitad professiunala
- c) Viadis ordinais d'in post cumpetent a caschun d'accidents, incendis e da catastrofas
- d) Viadis pil transport da selvaschinas d'ungla fessa sittadas
- e) Viadis cun maschinas agricoals (cun marca da controlla verda) en connex cun la cultivaziun dallas alps, pastiras, cuolms ed uauls
- f) Viadis per la raccolta da lenna duront in temps limitau che vegn fixaus en cunvegnientscha cul selvicultur da revier e nudaus sin ina carta da legitimaziun gratuita.

**Art. 5****Dretg da carrar  
cun carta da  
legitimaziun**

- a) Diever agricol
  1. Per il diever agricol sto il pur retrer dalla canzlia communal **ina** carta per igl auto. Tuttas vias ch'el basegna da far diever vegnan nudadas sil la carta. El paga ina taxa administrativa per la carta.
- b) Ulteriur diever
  2. La suprastonza communal dat sin damonda lubientschas da carrar per:
    - a) vehichels da proprietaris da beins immobiliars e d'affitaders per igl access a lur schischom
    - b) vehichels da furniturs, da gliued da professiun, da guardiacamonas, da concessiunaris e.a.v. per praticar lur activitad
    - c) apportaders per intents determinai, per far visetas a pasturs, per far visetas en camonas, tegias da cuolm, gidar a far fein e.a.v.
    - d) vehichels e transports da personas impedidas dad ir a pei
  3. Scadina lubientscha tenor al. 2 vala mintgamai mo per ina via numnada en art. 2.

**Art. 6****Taxas**

1. Sebasond sin art. 75 dalla constituziun communal dalla

**administrativas**

vischnaunca da Trun vegn incassau per cartas da legitimaziun tenor art. 5 las suandontas taxas administrativas:

- a) Diever agricol  
- carta da legitimaziun tenor art. 5 al. 1 **frs. 50.—**
- b) Ulteriur diever  
- carta per in onn per vehichels tochen 3.5 t **frs. 50.—**  
- carta per in meins per vehichels tochen 3.5 t **frs. 20.—**  
- carta per in di per vehichels tochen 3.5 t **frs. 7.—**
- c) vehichels a duas rodas pagan la mesadad, vehichels sur 3.5 t pagan il dubel da questas tariffas.
2. La lubientscha d'in di vala per ir e turnar. Ella ei valeivla naven dil datum d'emissiun maximalmei treis dis.
3. La lubientscha ei buca transmissibla. Ella sto vegnir tschentada veseivlamein vid il vehichel.
4. Las cartas annualas e meinsilas ston vegnir retratgas tier la canzlia communal. La vendita dallas cartas per in di vegn ordinada entras la suprastonza communal.
5. Per vehichels sur 3.5 t sa la suprastonza communal incassar a norma dalla stabilitad dalla via e dalla frequenza ina contribuziun per mantener supplementarmein la via.

**Art. 7****Prescripziuns specialas**

La suprastonza communal sa scumandar tut ils viadis en cass da relaziuns disfavoreivlas dallas vias u relaschar restricziuns per in cert temps ni per certas categorias da vehichels.

Barrieras, geinas e seivs ein da serrar suenter scadin passadi.

Dil territori cunfinont allas vias astga buca vegnir fatg diever cun vehichels. Parcar e cruschar astga succeder sulettamein en loghens previ ed adattai persuenter.

**Art. 8****Disposiziuns penalas**

Surpassaments da quest reglament vegnan castigai dalla suprastonza communal cun ina multa da tochen frs. 1'000.—, en cass da repetiziun tochen frs. 5'000.—.

Igl abus dalla lubientscha sa haver sco consequenza la privaziun permanenta u temporala da quella.

**Art. 9****Execuziun**

L'execuziun da quest reglament ei caussa dalla suprastonza

communala. Ella sa delegar quella cumpetenzza als funcziunaris communals.

### **Art. 10**

#### **Publicaziun e signalisaziun**

Las excepziuns e las restricziuns da traffic ch'ei vegnidas relaschadas cun quei reglament ein da publicar. La signalisaziun ha da succeder en cunvegrientscha cun la polizia cantunala da traffic.

### **Art. 11**

#### **Vigur**

Quest reglament va en vigur suenter l'approbaziun dils signals da prescripziun tras il departament da giustia, polizia e sanidad e suenter che las signalisaziuns corrispundentas ein vegnidas piazzadas el liug (art. 13 al. 2 OECG tier la LTV).

Il reglament ei vegnius approbaus dalla radunonza da vischnaunca dils 16-06-2000.

### **En num dalla suprastonza comunala Trun**

Il president communal:

Il canzlist communal:

Daniel Tuor

Plazi Decurtins